



SAKSFRAMLEGG

Sakshandsamar: Marianne Soleng	Arkivkode: FE-010
Arkivsaksnr: 22/73	Løpenr: 23/4363
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	25.05.2023	012/2023

Godkjenning av listeframlegg - Kommunestyrevalet 2023

25.05.2023 Valstyret:

Handsaming i møtet:

Valansvarleg Marianne Soleng orienterte innleiingsvis om at det hadde kome inn éi erklæring om fritak frå å stå på valliste etter at møteinnkallinga var sendt ut. Dette gjaldt kandidat nummer 12 på vallista til Samnanger Frp, Bjørg Tvedterås. Valansvarleg tok som følge av dette kontakt med tillitsvald for vallista til Samnanger Frp, og tillitsvald har meldt frå om at Bjørg Tvedterås blir erstatta av Margit Ingeborg Vevle som kandidat nummer 12 på vallista til Samnanger Frp. Med denne justeringa vart rådmannen sitt framlegg samrøystes vedteke.

VAL- 012/2023 Vedtak:

Listeframlegg frå Samnanger Arbeiderparti (org.nr 999 088 066), Bygdalista i Samnanger (org.nr. 999 292 488), Høgre Samnanger (org.nr. 999 084 974), Miljøpartiet Dei Grøne Samnanger (org.nr. 927 096 447), Samnanger Frp (org.nr. 995 489 007), Samnanger Krf (org.nr. 924 960 299), Samnanger Inp (industri- og næringspartiet) (org.nr. 930 915 521) og Samnanger Senterparti (org.nr. 998 377 714) vert godkjent slik dei ligg føre jf. Vallova § 6-6.1, men med følgjande endring:

- Margit Ingeborg Vevle erstattar Bjørg Tvedterås som kandidat nummer 12 på vallista til Samnanger Frp

Rådmannen sitt framlegg til vedtak:

Listeframlegg frå Samnanger Arbeiderparti (org.nr 999 088 066), Bygdalista i Samnanger (org.nr. 999 292 488), Høgre Samnanger (org.nr. 999 084 974), Miljøpartiet Dei Grøne Samnanger (org.nr. 927 096 447), Samnanger Frp (org.nr. 995 489 007), Samnanger Krf (org.nr. 924 960 299), Samnanger Inp (industri- og næringspartiet) (org.nr. 930 915 521) og Samnanger Senterparti (org.nr. 998 377 714) vert godkjent slik dei ligg føre jf. Vallova § 6-6.

Dokument som er vedlagt:

Alle listeframlegg inkl. merknadar frå valansvarleg
Listeframlegg Samnanger Høgre
Listeframlegg Samnanger Framstegsparti
Listeframlegg Samnanger Kristeleg Folkeparti

Listeframlegg Samnanger Arbeiderparti
Listeframlegg Miljøpartiet Dei Grøne Samnanger
Listeframlegg Samnanger INP - Industri- og næringspartiet
Listeframlegg Samnanger Senterparti
Listeframlegg Bygdalista

Dokument som ikkje er vedlagt:

Vallova med forskrift
Valhandboka
Erklæring om fritak frå listekandidat

Saksopplysningar:

Valstyret må ta stilling til listeframlegga seinast 1.juni, jf. Valgoven §6-6 (2).

Valstyret skal undersøkje om dei listeframlegga som innleverte, fyller krava i lova, under dette om framleggsstillarane og kandidatane oppfyller krava i valgoven, jf. § 6-6.

Dersom eit listeframlegg ved innleveringa ikkje er i samsvar med krava i lova må valstyret gjennom forhandling med den tillitsvalde arbeide for å dette på plass, jf. valgloven § 6-6 (3).

Dersom det viser seg at ein kandidat ikkje kan veljast, eller at han/ho blir friteken, skal kandidaten strykast av lista. I slike tilfelle avgjer den tillitsvalde for lista om det skal setjast inn ein ny kandidat på den ledige plassen, jf. § 15 2.ledd i valgforskriften. Alternativt kan lista supplerast med eit nytt namn nedst, slik at dei andre kandidatane rykkjer opp i uendra rekkjefølgje

Det følgjer av § 15 (1) i valgforskriften at når innleveringsfristen har gått ut, kan framleggsstillarane berre gjere dei endringane på listeframlegget som er nødvendige for å bringe framlegget i samsvar med valgloven og forskrifta til denne lova.

Dei godkjende listene kan leggjast ut på internett, med den informasjon om kandidatane som er oppført på listeforslaga og godkjent av valstyret. (jf. valghandboken pkt.7.8)
Dette kan i tillegg til kandidatnamn og fødselsår, vere informasjon om adresse og/eller yrke.

Seinast same dato skal dei godkjende listeframlegga (dei offisielle vallistene) leggjast ut til gjennomsyn, jf. valgloven § 6-7. Valstyre må ut frå denne regelen også sørgje for at overskriftene på dei godkjende listeframlegga blir kunngjorde. Det skal samstundes informerast om kvar listene er lagde ut og kvar publikum kan gjere seg kjent med dei. Det er opp til valstyret/fylkesvalstyret å avgjere kvar listene skal leggjast ut.

Valansvarleg har sjekka at listeframlegga fyller krava i lovverket og kontrollert at alle kandidatane på listeframlegga er valbare. Dei tillitsvalde har vorte kontakta der dette har vore naudsynt.